

福

四六

里仁

公治長

雍也

服部文庫

117

238

2



117  
238  
2

論語註疏解經卷第四



魏何晏集解

宋邢昺疏

里仁第四

**疏**

正義曰此篇明仁仁者善行之大名也君子體仁必能行禮樂故以次前也

子曰里仁爲美

**註**

鄭曰里者仁之所居居於仁者之里

是爲美擇不處仁焉得知

**註**

鄭曰求居而不處仁者

之里不得爲有知

**疏**

子曰至焉得知正義曰此章言居必擇仁也里仁爲美者里居

也仁者之所居處謂之里仁凡人之擇居居於仁者之里是爲美也擇不處仁焉得知者焉猶安也擇求居處而不處仁者之里安得爲有知也

子曰不仁者不可以久處約孔曰久困則為非不可

以長處樂孔曰必驕佚仁者安仁包曰惟性仁

者自然體之故謂安仁知者利仁王曰知仁為美

故利而行之子曰不仁者至利仁正義曰此章明

不仁之人不可令久長處貧約若久困則為非也言

可以長處樂則必驕佚仁者安仁者謂天性仁者自然

安正行之也知者利仁者知能照識前事知仁為美

故利而行之也包曰至安仁正義曰此經仁者安

仁知者利仁與表記正同理亦不異云惟性仁者自

然體之者言天性仁者非關利害自然況愛施性體

包仁道易文言曰君子體仁足以長人是也王曰

知仁至行之正義曰云知仁為美故利而行之者言

有知謀者貪利而行仁有利則行無利則止非本情

也

子曰惟仁者能好人能惡人孔曰惟仁者能審人之

所好惡子曰惟仁者能好人能惡人正義曰此章

言惟有仁德者無私於物故能審人之好

也惡也子曰苟志於仁矣無惡也孔曰苟誠也言誠能志於

仁則其餘終無惡子曰苟志於仁矣無惡也正義

曰苟誠也此章言誠能志在於

終無惡也

子曰富與貴是人之所欲也不以其道得之不處也孔曰不以其道得富貴則仁者不處貧與賤是人之

所惡也不以其道得之不去也

**註**

時有否泰故君子

履道而反貧賤此則不以其道得之雖是人之所惡

不可違而去之君子去仁惡乎成名

**註**

孔曰惡乎成

名者不得成名為君子君子無終食之間違仁造次

必於是顛沛必於是

**註**

馬曰造次急遽顛沛偃仆雖

急遽偃仆不違仁

**註**

子曰至必如是正義曰此章廣

也。不以其道得之不處也者富者財多貴者位高此二者是人之所貪欲也。若不以其道而得之雖是人之所欲而仁者不處也。貧與賤是人之所惡也不以其道得之不去也者。乏財曰貧無位曰賤此二者是人之所嫌惡也。時有否泰故君子履道而反貧賤此則不以其道而得之雖是人之所惡而仁者不違而

夫之也君子去仁惡乎成名者惡乎猶於何也言入欲為君子惟行仁道乃得君子之名若違去仁道則於何得成名為君子乎言去仁則不得成名為君子也君子無終食之間違仁者言仁不可斯須去身故君子無食頃違去仁道也造次必於是顛沛必於是者造次急遽也顛沛偃仆也言君子之人雖身有急遽偃仆之時而必守於是仁道而不違去也馬曰造次至違仁正義曰云造次急遽者造次猶言草次鄭玄云倉卒也皆迫促不暇之意故云急遽云顛沛偃仆者說文云偃僵也仆頓也則偃是仰倒也仆是踣倒也雖遇此顛躓之時亦不違仁也

子曰我未見好仁者惡不仁者好仁者無以尚之

**註**

孔

曰難復加也惡不仁者其為仁矣不使不仁者加乎

其身

**註**

孔曰言惡不仁者能使不仁者不加非義於

已不如好仁者無以尚之為優有能一日用其力於

仁矣乎我未見力不足者孔曰言人無能一日用

其力脩仁者耳我未見欲為仁而力不足者蓋有之

矣我未之見也孔曰謙不欲盡誣時人言不能為

仁故云為能有爾我未之見也疏子曰至之見也正

仁也我未見好仁者惡不仁者孔子言我未見性好

仁者亦未見能疾惡不仁者也好仁者無以尚之者

此覆說上好仁者也尚上也言性好仁者為德之最

上他行無以更上之言難復加也惡不仁者其為仁

矣不使不仁者加乎其身上此覆說上惡不仁者也言

能疾惡不仁者亦得為仁但其行少劣故曰其所為

仁矣也惟能不使不仁者加乎非義於己身也不如

好仁者無以尚之為優也有能一日用其力於仁矣

乎者言世不脩仁也故曰有人能一日之間用其力

於仁道矣乎言人誠能一日用其力脩仁者耳我未

見力不足者言德輶如毛行仁甚易我欲仁斯仁至

矣何須用力故曰我未見欲為仁而力不足者也蓋

有之矣我未之見也者此孔子謙不欲盡誣時人言

不能為仁故曰蓋有能為之者矣但我未之見也

子曰人之過也各於其黨觀過斯知仁矣孔曰黨黨

類小人不能為君子之行非小人之過當恕而勿責

之觀過使賢愚各當其所則為仁矣疏子曰至知仁

章言仁恕也人之過也各於其黨者黨黨類也言人

之為過也君子小人各於其類也觀過斯知仁矣者

言觀人之過使賢愚各當其所若小人不能為君子

之行非小人之過當恕而勿責之斯知仁者之用心

矣

矣

矣

子曰朝聞道夕死可矣

**言將至死不聞世之有道**

**言**

子曰朝聞道夕死可矣正義曰此章疾世無道也設若早朝聞世有道暮夕而死無可恨矣言將至死不聞世之有道也

子曰士志於道而恥惡衣惡食者未足與議也

**子**

議也正義曰此章言人當樂道固窮也士者人之有士行者也言士雖志在善道而衣服飲食好其華美恥其麤惡者則是志道不篤故未足與言議於道也

子曰君子之於天下也無適也無莫也義之與比

**子**

至與比正義曰此章貴義也適厚也莫薄也比親也言君子於天下之人無擇於富厚與窮薄者但有義者則與之相親也

子曰君子懷德

**小人懷土**

**小人懷惠**

子曰至懷惠正義曰此章言君子小人所安不同也君子懷德小人懷土者懷安也君子執德不移是安於德也小人安而不能遷者難於遷徙是安於土也君子懷刑小人懷惠者刑法制惠恩惠也君子樂於法制齊民是懷刑也小人惟利是親安於恩惠是懷惠也

**子曰安於法小人懷惠**

**包曰惠恩惠**

子曰至懷惠正義曰此章言君子小人所安不同也君子懷德小人懷土者懷安也君子執德不移是安於德也小人安而不能遷者難於遷徙是安於土也君子懷刑小人懷惠者刑法制惠恩惠也君子樂於法制齊民是懷刑也小人惟利是親安於恩惠是懷惠也

子曰放於利而行

**多怨**

子曰放於利而行多怨

子曰放於利而行多怨正義曰此章惡利也放依也言人每事

依於財利而行則是取怨之道也故多為人所怨恨也

子曰能以禮讓為國乎何有

**不能以**

禮讓為國如禮何

包曰

如禮何者言不能用禮

子曰

子曰至如禮何正義曰此章言治國者必須禮讓也能以禮讓為國乎者為猶治也禮節民心讓則不爭言人君能以禮讓為教治其國乎云何有者謂以禮讓治國何有其難言不難也

子曰不患無位

患所以立

不患莫已知

求為可知也

包曰求善道而學行之則人知已

子曰

子曰至可知也正義曰此章勸

學也不患無位者言不憂爵位也患所以立者言但憂其無立身之才學耳不患莫已知者言不憂無人見知於已也求為可知也者言求善道而學行之使已才學有可知重則人知已也

子曰參乎吾道一以貫之

曾子曰唯

子曰唯

故荅曰唯子出門人問曰何謂也曾子曰夫子之道

忠恕而已矣

子曰

子曰至而已矣正義曰此章明忠恕

吾道一以貫之者貫統也孔子語曾子言我所行之道惟用一理以統天下萬事之理也曾子曰唯者曾子直曉其理更不須問故荅曰唯子出者孔子去也門人問曰何謂也者門人曾子弟子也不曉夫子之言故問於曾子也曾子曰夫子之道忠恕而已矣者荅門人也忠謂盡中心也恕謂付已度物也言夫子之道惟以忠恕一理以統天下萬事之理更無他法故云而已矣

子曰君子喻於義小人喻於利

子曰

子曰喻猶曉也

子曰

子曰

君子喻於義小人喻於利正義曰此章明君子小人所曉不同也喻曉也君子則曉於仁義小人則曉於利財

子曰見賢思齊焉包曰思與賢者等見不賢而內自

省也子曰至自省也正義曰此章勉人為高行也

見彼賢則思與之齊等見彼不賢則內自省

子曰事父母幾諫包曰幾者微也當微諫納善言於

父母見志不從又敬不違勞而不怨包曰見志見

父母志有不從已諫之色則又當恭敬不敢違父母

意而遂已之諫子曰至而不怨正義曰此并下

父母有過當微納善言以諫於父母也見志不從又

敬不違者見父母志有不從已諫之色則又當恭敬

不敢違父母意而遂已之諫也勞而不怨者父母使

已以勞辱之事已當盡力服其勤不得怨父母也

子曰父母在不遠遊遊必有方鄭曰方猶常也

父母在不遠遊必有方正義曰方猶常也父母既

存或時思見已故不遠遊遊必有常所欲使父母

子曰三年無改於父之道可謂孝矣鄭曰孝子在喪

哀戚思慕無所改於父之道非心所忍為

於父之道謂孝矣正義曰言孝子在父母喪三年

之中哀戚思慕無所改為父之道非心所忍為故也

子曰父母之年不可不知也一則以喜一則以懼孔

曰見其壽考則喜見其衰老則懼

子曰父母之年不可不知也一



則以喜一則以懼正義曰言孝子當知父母之年也其意有二一則以父母年多見其壽考則喜也一則以父母年老形必衰弱見其衰老則憂懼也

子曰古者言之不出恥躬之不逮也包曰古人之言

不妄出口為身行之將不及子曰古者言之不出恥躬之不逮也正義

曰此章明慎言躬身也逮及也言古人之言不妄出口為身行之將不及故也

子曰以約失之者鮮矣孔曰俱不得中奢則驕佚招

禍儉約無憂患子曰至鮮矣正義曰此章貴儉鮮少也

約無憂患是以約致失者少也

子曰君子欲訥於言而敏於行包曰訥遲鈍也言欲

遲而行欲疾子曰君子欲訥於言而敏於行正義

也言君子但欲遲鈍於言敏疾於行惡時人行不副言也

子曰德不孤必有鄰方以類聚同志相求故必有鄰

是以不孤子曰德不孤必有鄰正義曰此章勉人

有同志相求與之為鄰也方以類聚至以不孤正

義曰云方以類聚者周易上繫辭文也方謂法術性

行各以類相聚也云同志相求者周易乾卦文言也

言志同者相求為朋友也故必有鄰是以不孤者案

坤卦文言曰君子敬以直內義以方外敬義立而德

亦德不孤也

論語

卷之四

子游曰事君數斯辱矣朋友數斯疏矣數謂速數之

數子游曰事君數斯辱矣朋友數斯疏矣正義曰此章明為臣結交當以禮進也數謂速數數則瀆而不敬故事君數斯致罪辱矣朋友數斯見疏薄矣  
數謂速數之數正義曰嫌讀為上聲云聲故辨之

論語註疏解經卷第四終

論語註疏解經卷第五

魏何晏集解

宋邢昺疏

公冶長第五

正義曰此篇大指明賢人君子仁知剛直以前篇擇仁者之里而居故得

學為君子即下云魯無君子斯焉取斯是也故次里仁

子謂公冶長可妻也雖在縲紲之中非其罪也以其子

妻之

孔曰冶長弟子魯人也姓公冶名長縲黑索

縲攀也所以拘罪人

子謂至子妻之正義曰此章明弟子公冶長之賢也子謂

公冶長可妻也者納女於人曰妻孔子評論弟子公冶長德行純備可納女與之為妻也雖在縲紲之中

非其罪也者。縲黑索，純繫也。古獄以黑索拘繫罪人。於時治長以枉濫被繫，故孔子論之曰：雖在縲絏之中，實非其治長之罪也。以其子妻之者，論竟遂以其女子妻之也。註：孔子曰：公治至罪人。正義曰：云治長弟。子魯人也者，案家語：弟子篇云：公治長魯人，字子長。為人能忍恥，孔子以女妻之。又案史記：弟子傳云：公治長齊人，而此云魯人，用家語為說也。張華云：公治長墓在陽城姑幕城東南五里，所基極高，舊說治長解禽語，故繫之縲絏。子謂南容，邦有道不廢，邦無道免於刑戮，以其兄之子妻之。註：王曰：南容弟子，南宮

縲魯人也，字子容，不廢言見用。

子謂南容至子妻之。正義曰：此章孔子

子評論弟子南容之賢行也。邦有道不廢，邦無道免於刑戮者，此南容之德也。若遇邦國有道，則常得見用在官，不被廢棄。若遇邦國無道，則必危行言遜，以脫免於刑罰戮辱也。以其兄之子妻之者，言德行如

此故以其兄之女與之為妻也。註：王曰：南容至見用

正義曰：云南容弟子南宮縲魯人也。字子容者，此家

語弟子篇文也。案史記：弟子傳云：南宮适，字子容，鄭註：檀弓云：南宮縲，孟僖子之子。南宮閱，以昭七年左氏傳云：孟僖子將卒，召其大夫云：屬說與何忌於夫子，以事仲尼。以南宮為氏，故世本云：中孫獲生南宮縲是也。然則名縲，名适，又名閱，字子容，氏南容，本孟氏之後也。

子謂子賤

註

子曰：子賤魯人，弟子必不齊，君子哉若人。

魯無君子者，斯焉取斯。

註

包曰：若人者，若此人也。如

魯無君子，子賤安得此行而學行之。

註

子謂子賤至取斯，正義曰：

此章論子賤之德也。君子哉若人，魯無君子者，斯焉取斯者，此評論之辭也。因美魯多君子，故曰：有君子之德哉。若此人也，魯國若更無君子者，斯子賤安得取斯君子之德行而學行之乎。明魯多君子，故子賤

得學為君子也。[註]孔子至弟子必不齊。正義曰：案家語弟子篇云：宓不齊，魯人字子賤，少孔子四十九歲，為單父宰，有才知仁愛，百姓不忍欺之，故孔子大之也。

子貢問曰：賜也何如？子曰：女器也。[註]孔子言女器用之。

人曰：何器也？曰：瑚璉也。[註]包曰：瑚璉，黍稷之器。夏曰

瑚，殷曰璉，周曰簠簋，宗廟之器，貴者。[註]子貢問至瑚

此章明弟子子貢之德也。子貢曰：賜也何如者？子貢

見夫子歷說諸弟子不及於己，故問之曰：賜也何如？

不知其行何如也。子曰：女器也。夫子答之言女器用

之人也。曰：何器也？者，子貢雖得夫子言已為器用之

人，但器有善惡，猶未知已器云何，故復問之也。曰：瑚

璉也者，此夫子又為指其定分。瑚璉，黍稷之器，宗廟

之器，貴者也。言女是貴器也。[註]包曰：瑚璉，至貴者。正

義曰：云瑚璉，黍稷之器。夏曰瑚，殷曰璉，周曰簠簋者。

案明堂位說四代之器云：有虞氏之兩敦，夏后氏之四璉，殷之六瑚，周之八簠。註云：皆黍稷器，制之異同未聞。鄭註周禮舍人云：方曰簠，圓曰簋。如記文則夏器名璉，殷器名瑚，而包咸、鄭玄等說此論語，賈服杜等註左傳，皆云夏曰瑚，或引有所據，或相從而誤也。

或曰：雍也，仁而不佞。[註]馬曰：雍，弟子仲弓名，姓冉。子曰：

焉用佞？禦人以口給，屢憎於人，不知其仁焉。用佞。[註]

孔子屢數也。佞，人口辭捷給，數為人所憎惡。[註]或曰：

用佞，正義曰：此章明口不須佞也。或曰：雍也，仁而不

佞者，佞口才也。或有一人言於夫子曰：弟子冉雍雖

身有仁德，而口無才辯，或人言其德未備也。子曰：焉

用佞者，夫子語或人言仁人安用其佞也。禦人以口

給，屢憎於人者，夫子更為或人說佞人之短，屢數也。

言佞人禦當於人，以口才捷給，屢致憎惡於人，謂數

論語疏

卷之五十三

及五

言言  
為人所憎惡也。不知其仁焉。用佞者言佞人既數為人所憎惡，則不知有其仁德之人復安用其佞耶？  
馬曰：雍弟子仲弓名姓冉。正義曰：案史記，子傳冉雍字仲弓。鄭玄曰：魯人也。孔曰：至數為人所憎惡。正義曰：屢數也者，釋言云：屢，亟也。郭璞云：亟，亦數也。云佞，人口辭捷給數為人所憎惡者。案左傳云：寡人不依服虔云佞才也。不才者，自謙之辭也。而此云焉用佞，禦人以口給，屢憎於人，則佞非善事，而以此云焉為嫌者，佞是口才捷利之名，本非善惡之稱，但為佞有善惡耳。為善捷敏是善佞，祝鮀是也。為惡捷敏是惡佞，即遠佞人是也。但君子欲訥於言而敏於行言之，雖多情或不信，故云焉用佞耳。

子使漆雕開仕。對曰：吾斯之未能信。  
孔曰：開弟子漆

雕，姓開名仕，進之道未能信者，未能究習。子說，鄭曰：善其志道深。  
子使漆至子說。正義曰：此章明弟子漆雕開之行。子使漆雕開仕者，

子

弟子姓漆雕名開。孔子使之仕進也。對曰：吾斯之未能信者，開意志於學道不欲仕進，故對曰：吾於斯仕進之道未能信。言未能究習也。子說者，孔子見其不及汲於榮祿，知其志道深，故喜說也。孔曰：開弟子至究習。正義曰：案史記，弟子傳漆雕開字子開。鄭玄曰：魯人也。

子曰：道不行，乘桴浮于海，從我者其由與？  
馬曰：桴，編

竹木大者曰楫，小者曰桴。子路聞之喜。  
孔曰：喜與已俱行。子曰：由也好勇過我，無所取材。  
鄭曰：子路

信夫子欲行，故言好勇過我，無所取材者，無所取於桴材。以子路不解微言，故戲之耳。一曰：孔路聞孔子欲浮海，便喜不復顧望，故孔子歎其勇曰：過我無所

取哉言唯取於已古字材哉同

**子曰**至所取材正義曰此章仲尼患

中國不能行已之道也道不行乘桴浮于海者桴竹木所編小棹也言我之善道中國既不能行即欲乘其桴棹浮渡于海而居九夷庶幾能行已道也從我者其由與者由子路名以子路果敢有勇故孔子欲令從已意未決定故云與以疑之子路聞之喜者喜夫子欲與已俱行也子曰由也好勇過我無所取材者孔子以子路不解微言故以此戲之耳其說有二鄭以為材桴材也子路信夫子欲行故言好勇過我無所取材者無所取於桴材也示子路令知已但歎世無道耳非實即欲浮海也一曰材讀曰哉子路聞孔子欲浮海便喜不復顧望孔子之微意故孔子歎其勇曰過我無所取材者言唯取於已無所取於他人哉**子曰**至小者曰桴正義曰云桴編竹木大者曰棹孫炎云水為桴也郭璞云水中籜筏謂之筏秦晉之通語也方桴桴音義同也

**孟武伯問子路仁乎子曰不知也**

孔曰仁道至大不可全名也

**又問子曰由也千乘之國可使治其賦也**

孔曰賦兵賦不知其仁也求也何如子曰求也千

**室之邑百乘之家可使為之宰也**

孔曰千室之邑

卿大夫之邑卿大夫稱家諸侯千乘大夫百乘宰家

**臣不知其仁也赤也何如子曰赤也東帶立於朝可**

**使與賓客言也**

馬曰赤弟子公西華有容儀可使

**為行人不知其仁也**

孟武至其仁也正義曰此章明仁之難也孟武伯問子路

仁乎子曰不知也者魯大夫孟武伯問於夫子曰弟

故答曰不知也又問者武伯意其子路有仁故夫子雖答以不知又復問之也子曰由也千乘之國可使治其賦也不知其仁也者此夫子更爲武伯說子路之能言由也有勇千乘之大國可使治其兵賦也不知其仁也言仁道則不全也求也何如者此句又武伯問辭言弟子冉求仁道何如子曰求也千室之邑百乘之家可使爲之宰也不知其仁也者此孔子又答武伯以冉求之能也言求也若卿大夫千室之邑百乘卿大夫之家可使爲之邑宰也仁則不知也赤也何如者此句又武伯問辭言弟子公西赤仁道何如子曰赤也東帶立於朝可使與賓客言也不知其仁也者此孔子又答以公西赤之才也言赤也有容儀可使爲行人之官盛服束帶立於朝廷可使與鄰國之大賓小客言語應對也仁則不知也

**註** 子曰賦與陳蔡從兵賦正義曰案隱四年左傳云敝邑以賦與陳蔡從服虔云賦兵也以田賦出兵故謂之兵賦正謂以兵從也其賦法依周禮九夫爲井四井爲邑四邑爲丘丘十六井出戎馬一匹牛三頭四丘爲甸甸六十四

井出長轂一乘步馬四匹牛十三頭甲士三人步卒七十二人是也

**註** 子曰千室之邑至家臣正義曰云千室之邑卿大夫之邑者大學云百乘之家不畜聚斂之臣鄭注云百乘之家有采地者也又鄭註云采地一問之廣輪也然則此云千室之邑百乘之家者謂卿大夫采邑地有一同民有千室之邑百乘之家者卿備百邑司馬法成方十里出革車一乘故知百乘之家地一同也

**註** 子曰至爲行人正義曰云赤弟子公西華者案史記弟子傳云公西赤字子華鄭玄曰魯人少孔子四十二歲云有容儀可使爲行人者按周禮有大行人小行人之職掌賓客之禮儀及朝覲聘問之事言公西華任此官也

子謂子貢曰女與回也孰愈

**註** 子曰愈猶勝也對曰賜也何敢望回回也聞一以知十賜也聞一以知二子曰弗如也吾與女弗如也

**註** 包曰既然子貢不如復

云吾與女俱不如者蓋欲以慰子貢也

**註**子謂至弗如也正義

曰此章美顏回之德子謂子貢曰女與回也孰愈者愈猶勝也孔子乘間問弟子子貢曰女之才能與顏回誰勝對曰賜也何敢望回者望謂比視子貢稱名言賜也才劣何敢比視顏回也回也聞一以知十賜也聞一以知二者子貢更言不敢望回之事假設數名以明優劣一者數之始十者數之終顏回亞聖故聞始知終子貢識淺故聞一纔知二以明已與回十分及二是其懸殊也子曰弗如也吾與女弗如也者夫子見子貢之答識有懸殊故云不如也弗者不之深也既然答子貢不如又恐子貢慚愧故復云吾與女俱不如欲以安慰子貢之心使無慚也

**宰子晝寢**

**註**孔曰宰子弟子宰我子曰朽木不可雕也

**註**包曰朽腐也雕雕琢刻畫糞土之牆不可朽也

王曰朽鏝也此二者以喻雖施功猶不成於子與何

**誅**孔曰誅責也今我當何責於汝乎深責之子曰

始吾於人也聽其言而信其行今吾於人也聽其言

而觀其行於子與改是

**註**孔曰改是聽言信行更察言觀行發於宰我之晝寢

**註**宰子至與改是正義曰此章勉人學也宰子晝寢者弟子宰我晝日寢寐也子曰朽木不可雕也糞土之牆不可朽也者此孔子責宰我之辭也朽腐也糞雕雕琢刻畫也朽鏝也言腐爛之木不可雕琢刻畫以成器物糞土之牆易為堉壞不可朽鏝塗墁以成華美此二者以喻人之學道當輕尺璧而重寸陰今乃廢情晝寢雖欲施功教之亦終無成也於子與何誅者誅責也與語辭言於宰子何足責乎謂不足可責乃是責之深也然宰我處四科而孔子深責者託

一本注是下有始字者不必



之以設教耳。宰我非實情學之人也。子曰：始吾於人也，聽其言而信其行。今吾於人也，聽其言而觀其行。於子與改是者，與亦語辭。以宰予嘗謂夫子言已勤學，今乃晝寢，是言與行違，故孔子責之曰：始前吾於人也，聽其所言，即信其行，以為人皆言行相副。今後吾於人也，雖聽其言，更觀其行，待其相副，然後信之。因發於宰予晝寢，言行相違，改是聽言信行，更察言觀行也。包曰：弟子宰予宰我，正義曰：案史記，弟子傳云：宰予字子我，鄭玄曰：魯人也。王曰：朽，鏝也。正義曰：釋宮云：鏝，謂之朽。郭璞云：泥塗也。李巡曰：塗，一名朽，塗土之作具也。然則朽是塗之所用，因謂泥塗為朽。

子曰：吾未見剛者。或對曰：申枨。包曰：申枨，魯人也。子曰：枨也慾焉得剛。孔曰：慾，多情慾。子曰：至焉得剛。

剛，子曰：吾未見剛者。剛謂質直而理者也。夫子以時皆柔佞，故云：吾未見剛者。或對曰：申枨者，或人聞孔

子之言，乃對曰：申枨性剛。子曰：枨也慾焉得剛者，夫子謂或人言剛者質直寡慾。今枨也多情慾，情慾既多，或私佞媚，安得剛乎。包曰：申枨，魯人。正義曰：鄭云：蓋孔子弟子申續。史記云：申棠，字周。家語云：申續，周字。

子貢曰：我不欲人之加諸我也，吾亦欲無加諸人。馬

曰：加陵也。子曰：賜也，非爾所及也。孔曰：言不能止。

人使不加非義於已。子貢曰：至及也。正義曰：此章人之加諸我也，吾亦欲無加諸人者，加陵也。諸於也，子貢言我不欲他人以非義加陵於已，吾亦欲無以非義加陵於人也。子曰：賜也，非爾所及也者，爾女也。夫子言使人不加非義於已，亦為難事，故曰：賜也，此事非女所能及，言不能止。人使不加非義於已也。

子貢曰：夫子之文章，可得而聞也。

**註** 章明也。文彩形質。

著見可以耳目循。夫子之言性與天道，不可得而聞也。

**註** 性者人之所受以生也。天道者，元亨利新之道。

深微故不可得而聞也。**註** 子貢曰：至聞也。正義曰：此

也。子貢曰：夫子之文章，可得而聞也。者，章明也。子貢

言夫子之述作威儀禮法，有文彩形質，著明可以耳

聽目視，依循學習，故可得而聞也。夫子之言性與天

道，不可得而聞也。者，天之所命，人所受以生，是性也。

自然化育，元亨利新，是天道也。與及也。子貢言若夫

子言天命之性，及元亨利新之道，其理深微，故不可

得而聞也。**註** 性者至得而聞也。正義曰：云性者人之

所受以生也。者，中庸云：天命之謂性。註云：天命謂天

所命生人者也。是謂性命。木神則仁，金神則義，火神

則禮，水神則信，土神則知。孝經說曰：性者天之質，命

人所稟受度也。言人感自然而生，有賢愚吉凶，或仁

或義，若天之付命，遣使之然，其實自然天性。故云性

者人之所受以生也。云天道者，元亨利新之道者，案

易乾卦云：乾元亨利貞。文言曰：元者善之長也，亨者

嘉之會也，利者義之和也，貞者事之幹也。謂天之體

性，生養萬物，善之大者，莫善於生。元為施生之宗，故

言元者善之長也。嘉美也。言天能通暢萬物，使物嘉

美而會聚，故云嘉之會也。利者義之和也。者，言天能

利益庶物，使物各得其宜而和同也。貞者事之幹者，

言天能以中正之氣，成就濟物，使物皆得幹濟。此明

天之德也。天本無心，豈造元亨利貞之德也。天本無

心，豈造元亨利貞之名也。但聖人以人事託之，謂此

自然之功為天之四德也。此但言元亨者，略言之也。

天之為道，生生相續，新新不停，故曰日新也。以其自

論語

卷之五

及古

室內坤曰與取于陰與  
也者者之也之以而和也

子路有聞未之能行唯恐有聞

孔曰前所聞未及行

故恐後有聞不得並行也

子路有聞未之能行唯恐有聞正義曰此章言

子路之志也子路於夫子之道前有所聞未能及行唯恐後有聞不得並行也

子貢問曰孔文子何以謂之文也

孔曰孔文子衛大夫

夫孔圍文謚也子曰敏而好學不恥下問是以謂之

文也

孔曰敏者識之疾也下問謂凡在已下者

子貢問至文也正義曰此章言文為美謚也子貢問曰孔文子何以謂之文也者言文是謚之美者故問衛大夫孔圍有何善行而得謂之文也子曰敏而好學不恥下問是以謂之文也者此夫子為子貢說文子之美行也敏者疾也下問問凡在已下者言文子知識敏疾而又好學有所未辯不羞恥於問已下之

人有此美行是以謚謂之文也孔曰至謚也正義曰云孔文子衛大夫孔圍者左傳文也云文謚也者案謚法云勤

學好問曰文

子謂子產有君子之道四焉

孔曰子產鄭大夫公孫

僑其行已也恭其事上也敬其養民也惠其使民也

義子謂至民也義正義曰此章美子產之德子謂

子產有君子之道四焉者孔子評論鄭大夫子

產事上也言已之所行常能恭順不違忤於物也其

恭者一也言已之所行常能恭順不違忤於物也其

事上也敬者二也言承事在已上之人及君親則忠

心復加謹敬也其養民也惠者三也言愛養於民振

乏彌無以恩惠也其使民也義者四也義宜也言役

使下民皆於禮法得宜不妨農也孔曰子產至孫

僑正義曰案左傳子產穆公之孫公子發之子名僑

公之子稱公孫襄三十年執鄭國之政故云鄭大

論語

卷之五

子路

夫公孫僑也公子發字子國公孫之子以王父字為氏據後而言故後或謂之國僑

子曰晏平仲善與人交久而敬之

周曰齊大夫晏姓

平諡名嬰

子曰晏平仲善與人交久而敬之正義曰此章言齊大夫晏平仲之德凡人輕

交易絕平仲則久而愈敬所以為善周曰齊大夫至名嬰正義曰云齊大夫晏姓平諡名嬰者案左傳

文知之是晏桓子之子也諡法治而無昏曰平

子曰臧文仲居蔡

包曰臧文仲魯大夫臧孫辰文諡也蔡國君之守龜出蔡地因以為名焉長尺有二寸

居蔡僭也山節藻梲包曰節者柄也刻鏤為山梲

者梁上楹畫為藻文言其奢侈何如其知也

包曰節者柄也刻鏤為山梲

子曰臧文仲居蔡

包曰臧文仲魯大夫臧孫辰文諡也蔡國君之守龜出蔡地因以為名焉長尺有二寸

非時人謂之為知

子曰至其知也正義曰此章明臧文仲不知也子曰臧文仲居

蔡者蔡國君之守龜名也而魯大夫臧文仲居守之

言其僭也山節者節柄也刻鏤為山形故云山節也

藻梲者藻水草有文者也梲梁上短柱也畫為藻文

故云藻梲此言其奢侈也何如其知也者言僭奢若

此是不知也所以非時人謂之為知包曰至居蔡

僭也正義曰云臧文仲魯大夫臧孫辰者案世本孝

公生僖伯彊彊生哀伯達達生伯氏瓶瓶生文仲辰

則辰是公子彊曾孫也彊是子臧公孫之子以王父

字為氏故姓曰臧也云文諡也者諡法云道德博聞

曰文云蔡國君之守龜出蔡地因以為名焉長尺有

二寸居蔡僭也者漢書食貨志云元龜為蔡家語稱

漆雕平對孔子云臧氏有守龜其名曰蔡文仲三年

而為一兆武仲三年而為二兆是大蔡為大龜蔡是

龜之名耳鄭玄包咸皆云出蔡地因為名未知孰

是食貨志云龜不盈尺不得為寶故知此龜長尺二

包曰節者至奢侈正義曰云節者栴也者釋宮文云刻鏤為山栴者梁上楹畫為藻文者釋宮云宋廡謂之梁其上楹謂之栴栴謂之案郭璞云楹侏儒柱也案即楹也此言山節者謂刻鏤柱頭為斗拱形如山也藻栴者謂畫梁上短柱為藻文也此是天子廟節而文仲僭為之故言其奢侈文三年左傳仲尼謂之作虛器言有其器而無其位故曰虛也

子張問曰令尹子文

孔曰令尹子文楚大夫姓鬬名穀字於菟三仕為令尹無喜色三已之無愠色舊令尹之政必以告新令尹何如子曰忠矣曰仁矣乎曰未知焉得仁

但聞其忠事未知其仁也崔子弑齊君陳文子有馬十乘棄而違之

孔曰皆齊大夫崔杼作亂陳文子惡之捐其四千匹馬違而去之至於

他邦則曰猶吾大夫崔子也違之之一邦則又曰猶吾大夫崔子也違之何如子曰清矣曰仁矣乎曰未知焉得仁

孔曰文子辟惡逆去無道求有道當春秋時臣陵其君皆如崔子無有可止者

子曰此章明仁之難成也子張問曰令尹子文三仕為令尹無喜色三已之無愠色舊令尹之政必以告新令尹何如者弟子子張問於孔子曰楚大夫令尹子文三被任用仕為令尹之官而無喜見於顏色三被已退無愠懟之色舊令尹之政令規矩必以告新令尹慮其未曉也子文有此美行子張疑可謂仁故問曰何如子曰忠矣者孔子答之為行如此是忠臣也曰仁矣乎者子張復問子文此德可謂仁矣乎曰未

知焉得仁者孔子答言如其所說但聞其忠事未知其仁也崔子弑齊君陳文子有馬十乘棄而違之至於他邦則曰猶吾大夫崔子也違之一邦則又曰猶吾大夫崔子也違之何如者此子張又舉齊大夫陳文子之行而問孔子也崔子崔杼也為齊大夫作亂弑其君光陳文子惡之故家雖富有馬十乘謂四十匹也而輒捐棄違去之至於他國亦遇其亂陳文子則曰猶吾齊大夫崔子也而違去之復往一他邦則又曰猶吾齊大夫崔子也而違去之為行若此其人何如子曰清矣者孔子答言文子辟惡逆去無道求有道當春秋時臣陵其君皆如崔子無可止者可謂清潔矣曰仁矣乎曰未知焉得仁者孔子答言據其所聞但是清耳未知他行安得仁乎

**註**孔曰令尹至於菟正義曰案宣四年左傳云初若敖娶於郟生鬬伯比若敖卒從其母畜於郟淫於郟子之女生子文焉郟夫人使棄諸夢中虎乳之郟子母見之懼而歸夫人以告遂使收之楚人謂乳穀謂虎於菟故命之曰

鬬穀於菟實為令尹子文是也令尹宰也周禮六卿太宰為長遂以宰為上卿之號楚臣令尹為長從他國之言或亦謂之宰宣十二年左傳云為長從他也令善也尹正也言用善人正此官也楚官多以尹為名皆取其正直也

**註**孔曰至違而去之正義曰云皆齊大夫者並見春秋故知之云崔杼作亂者左襄二十五年云四十四匹馬者古以四馬共駕一車因謂四匹為乘經言十乘故知四十四匹也

**季文子三思而後行子聞之曰再斯可矣**

**註**鄭曰季文

子魯大夫季孫行父文謚也文子忠而有賢行其舉

事寡過不必乃三思

**註**季文子三思而後行子聞之曰再斯可矣正義曰此章美

魯大夫季文子之德文子忠而有賢行其舉事皆三思之然後乃行常寡過咎孔子聞之曰不必乃三思但再思之斯亦可矣

**註**鄭曰季文子至三思正義曰案春秋文六年經書秋季孫行父如晉左傳曰季文

子將聘於晉使求遭喪之禮以行其人曰將焉用之  
文子曰備豫不虞古之善教也求而無之實難過求  
何害杜預云所謂文子三思故知文子魯  
大夫季孫孫行父也諡法云道德博聞曰文

子曰甯武子

馬曰衛大夫甯俞武謚也邦有道則知

邦無道則愚其知可及也其愚不可及也

子曰甯武子至及也正義曰此章美衛大夫甯武子

愚似實故曰不可及也

邦無道則愚者此其德也若遇

邦國有道則顯其知謀若遇無道則韜藏其知而佯

愚其知可及也其愚不可及也者言有道則知人或

可及佯愚似實不可及也馬曰衛大夫甯俞武謚

也正義曰案春秋文四年衛侯使甯俞來聘左傳曰

衛甯武子來聘公與之宴為賦湛露及彤弓不辭又

不答賦使行人私焉對曰臣以為肄業及之也杜元

凱註云此其愚不可及也是甯武子即甯俞也諡法

云剛彊直  
理曰武

子在陳曰歸與歸與吾黨之小子狂簡斐然成章不知

所以裁之

子曰簡大也孔子在陳思歸欲去故曰

吾黨之小子狂簡者進取於大道妄作穿鑿以成文

章不知所以裁制我當歸以裁之耳遂歸

子曰歸與

歸與吾黨之小子狂簡斐然成章不知所以裁之正

義曰此章孔子在陳既久言其欲歸之意也與語辭

再言歸與者思歸之深也狂者進取也簡大也斐然

文章貌言我所以歸者以吾鄉黨之中末學之小子

等進取大道妄作穿鑿斐然而成文章不知所以裁

制故我當歸以裁之耳遂歸也不即歸而言此者恐

人怪已故託

此為辭耳

子曰伯夷叔齊不念舊惡怨是用希

孔曰伯夷叔齊不念舊

孤竹君之二子孤竹國名  
子曰伯夷叔齊不念舊  
惡怨是用希正義曰此  
章美伯夷叔齊二人之  
行不念舊時之惡而欲  
報復故希為人所怨恨也  
伯夷叔齊孤竹君之二  
子孤竹國名正義曰案  
春秋少陽篇伯夷姓墨  
名允字公信伯長也夷  
謚叔齊名智字公達伯  
夷之弟齊亦謚也太史  
公曰伯夷叔齊孤竹君  
之二子也父欲立叔  
齊及父卒叔齊讓伯夷  
伯夷曰父命也遂逃去  
叔齊亦不肯立而逃之  
國人立其中子於是伯  
夷叔齊聞西伯昌善養  
老蓋往歸焉及至西伯  
卒武王載木主號為文  
王東伐紂伯夷叔齊叩  
馬而諫曰父死不葬爰  
及干戈可謂孝乎以臣  
弑君可謂仁乎左右欲  
兵之太公曰此義人也  
扶而去之武王已平殷  
亂天下宗周而伯夷叔  
齊恥之義不食周粟隱  
于首陽山采薇而食之  
及餓且死者是也孤竹  
北方之遠國名地理志  
遼西令支有孤竹城應  
劭曰故伯夷國

子曰孰謂微生高直

孔曰微生姓名高魯人也或乞

醢焉乞諸其鄰而與之

孔曰乞之四鄰以應求者

用意委曲非為直人  
子曰至而與之正義曰此章  
明直者不應委曲也孰謂微  
生高直者孰誰也孔子曰  
誰言魯人微生高性行正  
直或乞醢焉乞諸其鄰而  
與之者此孔子言其不直  
之事醢醋也諸之也或有一  
人就微生高乞醢時自  
無之即可答云無高乃乞  
之其四鄰以應求者用意  
委曲非為直人也

子曰巧言令色足恭

孔曰足恭便僻貌左丘明恥之

丘亦恥之

孔曰左丘明魯太史匿怨而友其人

孔曰心內相怨而外詐親左丘明恥之丘亦恥之



子曰至亦恥之正義曰此章言魯太史左丘明與聖  
 同恥之事巧言令色足恭者孔以為巧好言語令善  
 顏色便僻其足以為恭謂前却俯仰以足為恭也一  
 曰足將樹切足成也謂巧言令色以成其恭取媚於  
 人也左丘明恥之丘亦恥之者左丘明魯太史受春  
 秋經於仲尼者也恥此諸事不為適合孔子之意故  
 云丘亦恥之匿怨而友其人者友親也匿隱也言心  
 內隱其相怨而外貌詐相親友也左丘明恥之丘亦  
 恥之者亦俱恥而不為也孔曰足恭便僻貌正義  
 曰此讀足如字便僻謂便習盤辟其足以為恭也  
 左丘明魯太史正義曰  
 漢書藝文志文者也

**顏淵季路侍子曰盍各言爾志**子路曰願車馬衣輕裘  
 與朋友共敝之而無憾孔曰憾恨也顏淵曰願無  
 伐善孔曰不自稱己之善無施勞孔曰不以勞

事置施於人子路曰願聞子之志子曰老者安之朋  
 友信之少者懷之孔曰懷歸也顏淵至懷之正  
 義曰此章仲尼

顏淵季路各言其志也顏淵季路侍者二弟子侍孔  
 子也卑在尊旁曰侍子曰盍各言爾志者爾女也盍  
 何不也夫子謂二弟子曰何不各言女心中之所志  
 也子路曰願車馬衣輕裘與朋友共敝之而無憾者  
 憾恨也衣裘以輕者為美言願以己之車馬衣裘與  
 朋友共乘服而破敝之而無恨也此重義輕財之志  
 也顏淵曰願無伐善無施勞者誇功曰伐言願不自  
 稱代己之善不置施勞役之事於人也此仁人之志  
 也子路曰願聞子之志者二子各言其志畢子路復  
 問夫子曰願聞子之志古者稱師曰子子曰老者安  
 之朋友信之少者懷之者此夫子之志也懷歸也言  
 已願老者安已事之以孝敬也朋友信已待之以不  
 欺也少者歸已施之以恩惠也

子曰已矣乎吾未見能見其過而內自訟者也

訟猶責也言人有過莫能自責

自訟者也正義曰此章疾時人有過莫能自責也訟猶責也已終也吾未見有人能自見其已過而內自責者也言將終不復見故云已矣乎

子曰十室之邑必有忠信如丘者焉不如丘之好學也

子曰至學也正義曰此章夫子言已勤學也十室之邑邑之小者也其邑雖小亦不誣之必有忠信

如我者焉但不如我之好學不厭也衛瓘讀焉於處切為下句首焉猶安也言十室之邑雖小必有忠信

如我者也安不如我之好學也言亦不

如我之好學也義並得通故具存焉

論語註疏解經卷第五終

論語註疏解經卷第六

魏何晏集解

宋邢昺疏

雍也第六

正義曰此篇亦論賢人君子入仁知

中庸之德大抵與前相類故以次之

子曰雍也可使南面

子曰雍也可使南面正義曰此章稱弟子冉雍之德行南面謂諸侯也言冉雍有德行堪任為諸侯

治國者也仲弓問子桑伯子

王曰伯子書傳無見焉

子曰可也簡

孔曰以其能簡故曰可也仲弓曰居

敬而行簡以臨其民不亦可乎

孔曰居身敬肅臨

下寬畧則可居簡而行簡無乃太簡乎

之簡太簡子曰雍之言然

仲弓至言然正義曰此章明行簡之法仲弓問子桑伯子者仲弓冉雍字也問子桑伯子其人德行何如子曰可也簡者孔子為仲弓述子桑伯子之德行也簡畧也言其人可也以其行能寬畧故也仲弓曰居敬而行簡以臨其民不亦可乎者仲弓因辨簡之可否言若居身敬肅而行寬畧以臨其下民不亦可乎言其可也居簡而行簡無乃太簡乎者言居身寬畧而行又寬畧乃太簡也則子桑伯子之簡是太簡也子曰雍之言然者然猶是也夫子許仲弓之言是故曰然

哀公問弟子孰為好學孔子對曰有顏回者好學不遷

怒不貳過不幸短命死矣今也則亡未聞好學者也

凡人任情喜怒違理顏回任道怒不過分遷者移也怒當其理不移易也不貳過者有不善未嘗復行

也怒當其理不移易也不貳過者有不善未嘗復行也

常之人信任邪情恣其喜怒違於分理也云顏回任道怒不過分者言顏回好學既深信用至道故怒不過其分理也云有不善未嘗復行者周易下繫辭文彼云子曰顏氏之子其殆庶幾乎有不善未嘗不知知之未嘗復行也韓康伯註云在理則昧造形而悟顏子之分也失之於幾故有不善得之於貳不遠而復故知之未嘗復行也引之以證不貳過也此稱其好學而言不遷怒貳過者以不遷怒貳過絲於學問既篤任道而行故舉以言焉以明好學之深也一曰以哀公遷怒貳過而孔子因以諷諫

子華使於齊冉子為其母請粟子曰與之釜

馬曰子

華弟也公西華赤之字六斗四升曰釜請益曰與之

庾

包曰十六斗曰庾冉子與之粟五秉

馬曰十

六斛曰秉五秉合為八十斛子曰赤之適齊也乘肥

馬衣輕裘吾聞之也君子周急不繼富

鄭曰非冉

有與之太多

子華至繼富正義曰此章論君子當賑窮周急子華使於齊者弟也公西

赤字子華時仕魯為魯使適於齊也冉子為其母請粟者冉子即冉有也為其子華之母請粟於夫子言其子出使而家貧也子曰與之釜者夫子令與粟六斗四升也請益者冉有嫌其粟少故更請益之曰與之庾者夫子令益與十六斗也冉子與之粟五秉者冉有終以為少故自與粟八十斛也子曰亦之適齊也乘肥馬衣輕裘吾聞之也君子周急不繼富者此孔子非冉有與之太多也亦子華名適往也言子華使往齊國乘駕肥馬衣著輕裘則是富也富則母不闕粟吾嘗聞之君子當周救人之窮急不繼接於富有令子華家富而多與之粟則是繼富故非之也  
馬曰至曰釜正義曰史記弟子傳云公西赤字子華鄭玄曰魯人少孔子四十二歲云六斗四升曰釜者昭三年左傳晏子曰齊舊四量豆區釜鍾四升為豆

各自其四以登于釜杜註云四豆為區區十六升四區為釜釜六斗四升是也  
包曰十六斗曰廩馬曰十六斛曰秉正義曰案聘禮記云十斗曰斛十六斗曰簋十簋曰秉鄭註云秉十六斛今江淮之間量名以為簋者今文簋為逾是  
廩逾簋其數同故知然也

原思為之宰

**包**

曰弟子原憲思字也孔子為魯司寇

以原憲為家邑宰與之粟九百

**包**

孔曰九百九百

斗辭辭讓不受子曰毋

**包**

孔曰祿法所得當受無讓

以與爾鄰里鄉黨乎

**包**

鄭曰五家為鄰五鄰為里萬

二千五百家為鄉五百家為黨

**包**

原思至黨乎正義

祿之法原思弟子原憲也孔子為魯司寇以原憲為家邑宰也與之粟九百辭者孔子與之粟九百斗原

思辭讓不受子曰毋者毋禁辭也孔子禁止其讓言祿法所得當受無讓也以與爾鄰里鄉黨乎者言於已有餘可分與爾鄰里鄉黨之人亦不可辭也  
**包**曰至邑宰正義曰史記弟子傳曰原憲字子思鄭玄曰魯人云孔子為司寇以原憲為家邑宰者世家云孔子為中都宰為司空繇司空為司寇魯司寇大夫也必有采邑大夫稱家故以原憲為家采邑之宰也  
**包**鄭曰至為黨正義曰云五家為鄰五鄰為里者地官遂人職文案大司徒職云五家為比五比為閭四閭為族五族為黨五黨為州五州為鄉故知萬二千五百家為鄉五百家為黨也

子謂仲弓曰犁牛之子騂且角雖欲勿用山川其舍諸

**包**

犁雜文騂赤也角者角周正中犧牲雖欲以其所

生犁而不用山川寧肯舍之乎言父雖不善不害於

子之美

**國**

子謂至舍諸正義曰此章復謂冉雍之德

用山川其舍諸者雜文曰犁駢純赤色也角者角周

正也舍棄也諸之也仲弓父賤人而行不善故孔子

稱謂仲弓曰譬若雜文之犁牛生純赤且角周正之

子中祭祀之犧牲雖欲以其所生犁而不用山川寧

肯舍棄之乎言仲弓父雖不善不害於子之美也

子曰回也其心三月不違仁其餘則日月至焉而已矣

**國**

餘人暫有至仁時唯回移時而不變

**國**

子曰至已矣正義曰

此章稱顏回之仁三月為一時天氣一變人心行善

亦多隨時移變唯回也其心雖經一時復一時而不

移變違去仁道也其餘則暫有至仁時或一日或一月而已矣

季康子問仲由可使從政也與子曰由也果**國**包曰果

謂果敢決斷於從政乎何有曰賜也可使從政也與

曰賜也達**國**

孔曰達謂通於物理於從政乎何有曰

求也可使從政也與曰求也藝**國**

孔曰藝謂多才藝

於從政乎何有**國**

季康至何有正義曰此章明子路

可使從政也與者康子魯卿季孫肥也問於孔子曰

仲由之才可使從一官而為政治也歟子曰由也果

於從政乎何有者果謂果敢決斷何有言不難也孔

子言仲由之才果敢決斷其於從政何有難乎言仲

由可使從政也曰賜也可使從政也歟者季康子又

問子貢也曰賜也達於從政乎何有者達謂通於物

理孔子答言子貢之才通達物理亦言可從政也曰

求也可使從政也歟者康子又問冉有也曰求也藝

於從政乎何有者藝謂多才藝孔

子答言冉求多才藝亦可從政也

季氏使閔子騫為費宰孔曰費季氏邑季氏不臣而

其邑宰數畔聞子騫賢故欲用之閔子騫曰善為我

辭焉孔曰不欲為季氏宰託使者善為我辭焉說

令不復召我如有復我者孔曰復我者重來召我

則吾必在汶上矣孔曰去之汶水上欲北如齊

季氏至上矣正義曰此章明閔損之賢也季氏使閔子騫為費宰者費季氏邑季氏不臣而其邑宰數畔聞子騫賢故欲使之也閔子騫曰善為我辭焉者子騫不欲為季氏宰故語使者曰善為我作辭說今不復召我也如有復我者則吾必在汶上矣者復重也言如有重來召我者則吾必去之在汶水上欲北如齊也孔曰至用之正義曰云費季氏邑者左傳文也云季氏不臣而其邑宰數畔者僭禮樂逐昭公是

不臣也昭十三年南蒯以費畔又公山弗擾以費畔是數畔也去之汶水上欲北如齊正義曰地理志云汶水出泰山萊蕪西南入齊在齊南魯北故曰欲北如齊

伯牛有疾馬曰伯牛弟子冉耕子問之自牖執其手

包曰牛有惡疾不欲見人故孔子從牖執其手也

曰亡之孔曰亡喪也疾甚故持其手曰喪之命矣

夫斯人也而有斯疾也斯人也而有斯疾也包曰

再言之者痛惜之甚伯牛至疾也正義曰此章孔遇惡疾也伯牛冉耕字也子痛惜弟子冉耕有德行而牖執其手者自從也伯牛惡疾不欲見人故孔子問之從牖執其手也曰亡之者亡喪也疾甚故持其手曰喪之命矣夫斯人也而有斯疾也斯人也而有斯

疾也者行善遇凶非人所召故歸之於命言天命矣夫斯此也此善人也而有此惡疾也是孔子痛惜之也再言之者痛惜之甚也馬曰伯牛弟子冉耕正義曰史記弟子傳曰冉耕字伯牛鄭玄曰魯人包曰伯牛有惡疾正義曰惡疾疾之惡者也淮南子云伯牛癩

子曰賢哉回也一簞食一瓢飲孔曰簞筭也在陋巷

人不堪其憂回也不改其樂賢哉回也孔曰顏淵

樂道雖簞食在陋巷不改其所樂子曰至回也正義曰此章歎顏

回之賢故曰賢哉回也云一簞食一瓢飲者簞竹器食飯也瓢瓠也言回家貧唯有一簞飯一瓢瓢飲也

在陋巷人不堪其憂回也不改其樂者言回居處又在隘陋之巷他人見之不任其憂唯回也不改其樂道之志不以貧為憂苦也歎美之甚故又曰賢哉回也孔曰簞筭也正義曰案鄭註曲禮云圓曰簞方

曰筭然則簞與筭方圓異而此云簞筭者以其俱用竹為之舉類以曉人也

冉求曰非不說子之道力不足也子曰力不足者中道

而廢今女晝孔曰晝止也力不足者當中道而廢

今女自止耳非力極冉求曰至女晝正義曰此章

之道力不足也者弟子冉求言已非不說樂子之道而勤學之但以力不足故也子曰力不足者中道而廢今女晝者晝止也此孔子責冉求之不說學也言力不足者當中道而廢今女自止耳非力極也

子謂子夏曰女為君子儒無為小人儒孔曰君子為

儒將以明道小人為儒則矜其名子謂至人儒正

夏為君子也言人博學先王之道以潤其身者皆謂之儒但君子則將以明道小人則矜其才名言女當



明道無得  
矜名也

子游為武城宰包曰武城魯下邑子曰女得人焉耳

乎孔曰焉耳乎皆辭曰有澹臺滅明者行不由徑

非公事未嘗至於偃之室也包曰澹臺姓滅明名

字子羽言其公且方子游至室也正義曰此章明

者武城魯下邑子游時為之宰也子曰女得人焉耳

乎者孔子問子游言女在武城得其有德之人乎焉

耳乎皆語助辭曰有澹臺滅明者此子游對孔子言

已所得之人也姓澹臺名滅明行不由徑非公事未

嘗至於偃之室也者此言其人之德也行遵大道不

由小徑是方也若非公事未嘗至於偃之室是公也

既公且方故以為得人何曰至且方正義曰史記

子游傳云澹臺滅明武城人字子羽少孔子三十九

歲狀貌甚惡欲事孔子孔子以為材薄既已受業退

而脩行名施乎諸侯孔子聞之曰吾以貌取人失之

也云言其公且方者公無私也方正直也

子曰孟子反不伐孔曰魯大夫孟之側與齊戰軍大

敗不伐者不自伐其功奔而殿將入門策其馬曰非

敢後也馬不進也馬曰殿在軍後前曰敢後曰殿

孟之反賢而有勇軍大奔獨在後為殿人迎功之不

欲獨有其名曰我非敢在後拒敵馬不能前進子曰

至進也正義曰此章言功以不伐為善也孟之反不

伐者誇功曰伐孟之反魯大夫孟之側也有軍功而

不誇伐也奔而殿將入門策其馬曰非敢後也馬不

進也者此其不伐之事也在軍後曰殿策捶也魯與

論語疏

卷之六

及古閣

齊戰魯師敗而奔孟之反賢而有勇獨在後為殿人  
 迎功之不欲獨有其名故將入國門乃撫其馬欲先  
 奔者入城也且曰我非敢在後為殿以拒敵馬不能  
 前進故也孔曰魯大夫孟之側正義曰杜預曰之  
 側孟氏族字反是也馬曰至前進正義曰云殿在  
 軍後前曰啟後曰殿者案司馬法謀帥篇曰夫前驅  
 啟乘車大震倅車屬馬大震即大殿也音相似襄二  
 十三年左傳曰齊侯伐衛大殿商子游御夏之御寇  
 崔如為右燭庸之越駟乘詩曰元戎十乘以先啟行  
 是殿在軍後前曰啟也案哀十一年左傳說此事云  
 齊師伐我及清孟孺子洩帥右師冉求帥左師師及  
 齊師戰于郊右師奔齊人從之孟之側後入以為殿  
 抽矢策其馬曰馬不進也文  
 不同者各據所聞而記之也

子曰不有祝鮀之佞而有宋朝之美難乎免於今之世

矣

孔曰佞口才也祝鮀衛大夫子魚也時世貴之

宋朝宋之美人而善淫言當如祝鮀之佞而反如宋

朝之美難乎免於今之世害也子曰至世矣正義曰此章言世尚口

才也佞口才也祝鮀衛大夫子魚也有口才時世貴  
 之宋朝宋之美人善淫時世疾之言人當如祝鮀之  
 有口才則見貴重若無祝鮀之佞而反有宋朝之美  
 難乎免於今之世害也孔曰至害也正義曰云祝  
 鮀衛大夫子魚也時世貴之者春秋定四年會于召  
 陵盟于臯馳左傳曰將會衛子行敬子言於靈公曰  
 會同難噴有煩言莫之治也其使祝鮀從公曰善乃  
 使子魚是祝鮀即子魚也傳又曰及臯馳將盟將長  
 蔡於衛衛侯使祝鮀私於萇弘文多不載萇弘說告  
 劉子與范獻子謀之乃長衛侯於盟是時世貴之也  
 云宋朝宋之美人而善淫者案定十四年左傳曰衛  
 侯為夫人南子召宋朝杜註云南子宋女也朝宋公  
 子舊通於南子在宋呼之是  
 朝為宋之美人而善淫也

子曰誰能出不由戶何莫由斯道也

孔曰言人立身

成功當由道譬猶出入要當從戶

子曰至道也正義曰此章言道

為立身之要也故曰誰人能出入不由門戶以譬何人立身不由於此道也言人立身成功當由道譬猶

出入要當從戶

子曰質勝文則野

包曰野如野人言鄙畧也文勝質則史

包曰史者文多而質少

文質彬彬然後君子

包曰彬彬文質相半之貌

子曰至君子正義曰此章明君子也質勝

文則野者謂人若質多勝於文則如野人言鄙畧也文勝質則史者言文多勝於質則如史官也文質彬彬然後君子者彬彬文質相半之貌言文華質朴相半彬彬然然後可為君子也

子曰人之生也直

馬曰言人所生於世而自終者以其正直也

其正直也罔之生也幸而免

包曰誣罔正直之道

而亦生者是幸而免

子曰至而免正義曰此章明人以正直為德言人之所以

生於世而自壽終不橫夭者以其正直故也罔誣罔也言人有誣罔正直之道而亦生者是幸而獲免也

子曰知之者不如好之者好之者不如樂之者

包曰學問知之者不如好之者篤好之者不如樂之者深

者又不如悅樂之者深也

子曰至之者正義曰此章言人之學道用心深淺

子曰中人以上可以語上也中人以下不可以語上也

王曰上謂上知之所知也兩舉中人以其可上可  
**下**子曰至上也正義曰此章言授學之法當稱其  
**才**識也語謂告語上謂上知之所知也人之才  
識凡有九等謂上上上中上下中下中下下上  
下中下下也上則聖人也下則愚人也皆不可  
移也其中中之人下中以上謂上中上中下中  
第五中中之人也以上謂上中上中下中上以  
其才識優長故可以告語上知之所知也中人以下  
謂中下下上中之人也以其才識暗劣故不可以  
告語上知之所知也此應云中人以上可以語上以  
下不可以語上而繁文兩舉中人者以其中人可上  
可下故也言此中人若才性稍優則可以語上  
才性稍劣則不可以語上是其可上可下也

**樊遲問知子曰務民之義**  
**敬鬼神而遠之可謂知矣**  
王曰務所以化道民之義  
包曰敬鬼神而不黷問

**仁曰仁者先難而後獲可謂仁矣**  
子曰先勞苦而後得功此所以為仁  
樊遲至仁矣正義曰此章明  
子樊須問於孔子何為可謂之知子曰務民之義敬  
鬼神而遠之可謂知矣者孔子答其為知也言當務  
所以化道民之義恭敬鬼神而疏遠之不褻黷能行  
如此可謂為知矣問仁者樊遲又問何為可謂之仁  
子曰仁者先難而後獲可謂仁矣者此答其為仁也  
獲猶得也言為仁者先受勞苦之難而後乃得功此  
所以為仁也已

**子曰知者樂水**  
包曰知者樂運其才知以治世如水  
流而不知已仁者樂山  
仁者樂如山之安固自然  
不動而萬物生焉知者動  
包曰日進故動仁者靜

**註** 子曰無欲故靜知者樂 **註** 鄭曰知者自役得其志

故樂仁者壽 **註** 包曰性靜者多壽考 **註** 子曰至仁者

章初明知仁之性次明知仁之用三明知仁之功也

知者樂水者樂謂愛好言知者性好運其才知以治

世如水流而不知已止也仁者樂山者言仁者之性

好樂如山之安固自然不動而萬物生焉知者動者

言知者常務進故動仁者靜者言仁者本無貪欲故

靜知者樂者言知者役用才知成功得志故歡樂也

仁者壽者言仁者少思寡欲性常安靜故多壽考也

子曰齊一變至於魯魯一變至於道 **註** 包曰言齊魯有

太公周公之餘化太公六賢周公聖人今其政教雖

衰若有明君興之齊可使如魯魯可使如大道行之

時 **註** 子曰至於道正義曰此章言齊魯有太公周公

有明君興之齊可一變使如於魯魯可一變使如於魯

子曰觚不觚 **註** 馬曰觚禮器一升曰爵二升曰觚觚哉

觚哉 **註** 觚哉觚哉言非觚也以喻為政不得其道則

不成 **註** 子曰至觚哉正義曰此章言為政須遵禮道

之當以禮若用之失禮則不成為觚也故孔子歎之

觚哉觚哉言非觚也以喻人君為政當以道若不得

其道則不成為政也 **註** 馬曰至曰觚正義曰案特牲

禮用三爵二觚四觶一角三散是觚為禮器也與義

韓詩說一升曰爵爵盡也足也二升曰觚觚寡也飲

當寡少三升曰觶觶適也飲當自適也四升曰角角

觸也不能自適觸罪過也五升曰觴觴散也飲不自

節為人謗訕總名曰爵其實曰觴觴者餉也觥亦五

論語充 卷之六 十二

言言疏 卷之六 汲古閣  
升所以罰不敬觥廓也所以著明之貌君子有過廓  
然著明非所以餉不得名觥此唯言爵觥者畧言之  
也

宰我問曰仁者雖告之曰井有仁焉其從之也

**子曰**宰我以仁者必濟人於患難故問有仁人墮井將自

投下從而出之不乎欲極觀仁者憂樂之所至子曰

何為其然也君子可逝也不可陷也

**子曰**言君子可使往視之耳不肯自投從之可欺也不可

罔也

**子曰**馬曰可欺者可使往也不可罔者不可得誣  
罔令自投下

**子曰**宰我至罔也正義曰此章明仁者之  
心也宰我問曰仁者雖告之曰井有

仁焉其從之也者宰我以仁者必濟人於患難故問  
曰仁者之人設有來告曰井中有仁人焉言仁人墮  
井也此承告之仁人將自投下從而出之不乎意欲  
極觀仁者憂人樂生之所至也子曰何為其然也君  
子可逝也不可陷也者此孔子怪拒之辭逝往也然  
如是也言何為能使仁者如是自投井乎夫仁人君  
子但可使往視之耳不可陷人於井言不肯自投從  
之也可欺也不可罔也者唯可欺之使往視不可得  
誣罔令自  
投下也

子曰君子博學於文約之以禮亦可以弗畔矣夫

**子曰**曰弗畔不違道

**子曰**用禮以自檢約則不違道也

子見南子子路不說夫子矢之曰予所否者天厭之天

厭之。子曰：舊以南子者，衛靈公夫人淫亂，而靈公

惑之。孔子見之者，欲因以說靈公，使行治道，矢誓也。

子路不說，故夫子誓之。行道既非婦人之事，而弟子

不說，與之呪誓，義可疑焉。子曰：至厭之，正義曰：此

也。子見南子者，南子衛靈公夫人淫亂，而靈公惑之。

孔子至衛，見此南子，意欲因以說靈公，使行治道，故

也。子路不說者，子路性剛直，未達孔子之意，以為君

子當義之與此，而孔子乃見淫亂婦人，故不說。樂夫

子矢之者，矢誓也。以子路不說，故夫子告誓之曰：予

所否者，天厭之。天厭之者，此誓辭也。予我也，否不也。

厭棄也。言我見南子所不為，求行治道者，願天厭棄

我再言之者，重其誓，欲使信之也。子曰：至疑焉。正

義曰：云子曰：舊以南子者，衛靈公夫人淫亂，而靈公

惑之。孔子見之者，欲因以說靈公，以行治道，矢誓也。

子路不說，故夫子誓之者，先儒舊有此解也。云行道

既非婦人之事，而弟子不說，與之呪誓，義可疑焉者，

安國以為先儒舊說不近人情，故疑其義也。史記世

家孔子至衛，靈公夫人有南子者，使人謂孔子曰：四

方之君子，不辱欲與寡君為兄弟者，必見寡小君。寡

小君，願見孔子，辭謝不得已而見之。夫人在絺帷中，

孔子入門，北面稽首。夫人自帷中再拜，環珮玉聲，璆

然。孔子曰：吾鄉為弗見，見之禮，答焉。子路不說，孔子

矢之曰：天厭之。天厭之，是子見南子之事也。樂肇曰：

見南子者，時不獲已，猶文王之拘羑里也。天厭之者，

言我之否屈，乃天命所厭也。蔡謨云：矢，陳也。夫子為子路陳天命也。

子曰：中庸之為德也，其至矣乎！民鮮久矣。中庸常也，中

和可常行之德，世亂先王之道廢，民鮮能行此道，久

矣，非適今。子曰：至久矣。正義曰：此章言世亂人不

能行中庸之德也。中謂中和，庸常也。鮮

論語

卷之六十四

子路

罕也言中和可常行之德也其至極矣乎以世亂先王之道廢故民罕能行此道久多時矣非適而今也

子貢曰如有博施於民而能濟眾何如可謂仁乎子曰

何事於仁必也聖乎堯舜其猶病諸

孔曰君能廣

施恩惠濟民於患難堯舜至聖猶病其難夫仁者已

欲立而立人已欲達而達人能近取譬可謂仁之方

也已

孔曰更為子貢說仁者之行方道也但能近取譬於已皆恕已所欲而施之於人

子貢至也已正義曰此章明仁道也子貢曰如有博施於民而能濟眾何如可謂仁乎者子貢問夫子曰設如人君能廣施恩惠於民而能振濟眾民於患難者此德行何如可以謂之仁人之君乎子曰何事於仁必也聖乎堯舜其猶病

諸者此孔子答子貢之語也言君能博施濟眾何止

事於仁謂不啻於仁必也為聖人乎然行此事甚難

堯舜至聖猶病之以為難也夫仁者已欲立而立人

已欲達而達人能近取譬可謂仁之方也已者此孔

子更為子貢說仁者之行也方猶道也言夫仁者已

欲立身進達而先立達他人又能近取譬於已皆恕

已所欲而施之於人已所不欲勿施於人可謂仁道也

113



六通家

十卷

三